

apostolica scripta mandamus quatinus si prefati homines mandatum non curauerint adimplere. tu eos ad id monicione premissa per censuram ecclesiasticam appellacione remota compellas. Datum anagnie quarto non. nouembris pontificatus nostri anno sexto.

271.

1232 d. 2 Nov.

Anagni.

Påfv. GREGORIUS IX:s Bref till samtliga invånarne i Linköpings Stift angående tiondens noggranna utgörande till kyrkorna.

B. 3: 23.

GREGORIUS episcopus seruus seruorum dei dilectis filiis vniuersis hominibus dyocesis lincopensis salutem & apostolicam benedictionem. Venerabili fratre nostro lincopensi episcopo accepimus conquerente quod uos minime attendentes quod dominus vniuersorum in signum vniuersalis dominij sibi decimas reseruauit eas ecclesiis quibus debentur soluere pro vestre voluntatis libito denegatis. Cum igitur predictas decimas retinere non sine animarum vestrarum periculo valeatis ad quas soluendas ecclesiarum ministris tenetur fidelis quilibet veritate iubente. vniuersitatem uestram rogandam duximus attentius et amonendam per apostolica scripta uobis mandantes quatinus decimas ecclesiis quibus debentur integre persoluatis alioquin eidem episcopo per litteras nostras iniungimus ut uos ad id per censuram ecclesiasticam appellacione remota compellat. Datum anagnie IIII:to Non. nouembris Pontificatus nostri anno sexto.

272.

1232 d. 2 Nov.

Anagni.

Påfv. GREGORIUS IX:s Skrifvelse till så väl det högre som lägre Presterskapet inom Linköpings Stift, med uppmaning att på allt sätt understödja och befordra den under hand varande Domkyrkybyggnad, hvar till medel tröto.

B. 3: 24.

GREGORIUS episcopus seruus seruorum dei dilectis filiis vniuersis ecclesiarum prelati & clericis aliis per lincopensem dyocesi constitutis salutem & apostolicam benedictionem Venerabilis frater . . lincopensis episcopus nobis humiliter supplicauit vt cum ipse de opere sumptuoso & nobili edificare inceperit ecclesiam lincopensem & ad hoc proprie sibi non suppetant facultates ad prestandum eidem. pro consumacione tanti operis gratum subsidium uos excitare nostris precibus & litteris dignaremur. vt igitur exhibitum matri subsidium per elemosine fructum filios exoneret a peccatis vniuersitatem

vestram rogamus & hortamur attente per apostolica scripta mandantes quatinus super hoc sic eidem episcopo gratum subsidium erogetis ut uestre liberalitatis adiutorio subsequente. opus tam pium & laudabile optatum sorciatur effectum. uosque possitis tam nostrum quam prelati uestri fauorem & gratiam per hec & alia pietatis opera promereri & meritum consequi retributionis eterne Datum anagnie IIII:to Non. nouembris Pontificatus nostri anno sexto.

273.

1232 d. 2 Nov.

Anagni.

Påfv. GREGORIUS IX:s Bref till Biskopen i Linköping, Abboten i Alvastra och Prosten i Skenninge, rörande klagan af stiftets Presterskap att åtskillige af adeln och andre lekmän uppbruta och ofreda kyrkorna samt förstöra och förtära hvad der finnes.

B. 3: 23.

GREGORIUS episcopus seruus seruorum dei venerabili fratri . . episcopo lincopensi et dilectis filiis . . abbati de alwastrum & . . preposito de scheninge lincopensis dyocesis salutem & apostolicam benedictionem. Dilecti filij vniuersi ecclesiarum prelati & clerici lincopensis diocesis. grauem ad nos transmisere querelam quod nonnulli nobiles & alii layci eiusdem dyocesis ad ecclesias frequenter cum personarum & euectionum effrenata multitudine accedentes earum seris & portis ausu sacrilego fractis. bona ibidem inuenta destruere ac consumere. non verentur. qui si uerbo uel facto sibi ab eisdem prelati & clericis aliquando resistant ipsis in personis & rebus grauiore inferunt iniurias & iacturas quare nisi super hoc prouideatur eisdem. pre paupertate. ac huiusmodi molestiis compelluntur ipsas ecclesias relinquere desolatas Cum igitur laicis nulla sit imperandi clericis ac disponendi de rebus ecclesiasticis attributa potestas discrecioni uestre per apostolica scripta mandamus quatinus si est ita dictos nobiles et alios quod a similibus de cetero penitus conquiescant. monicione premissa per censuram ecclesiasticam appellacione remota sicut iustum fuerit compellatis. Prouiso. ne in terram ipsorum nobilium excommunicationis uel interdicti sentenciam proferatis nisi super hoc mandatum a nobis receperitis speciale Quod si non omnes hiis exequendis potueritis interesse tu frater episcope cum eorum altero ea nihilominus exequaris. Datum Anagnie IIII:to nonis nouembris pontificatus nostri anno sexto.